



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 412
fax. +387 33 726 414
e – mail: info@voda.ba

Broj: **UP-1/21-1-40-621-9/21**
Datum: **22.03.2022. godine**

«Agencija za vodno područje rijeke Save» Sarajevo rješavajući po zahtjevu Službe za investicije i komunalne poslove Općine Novi Grad, a za izdavanje prethodne vodne saglasnosti za regulaciju korita i izgradnju objekata za zaštitu od velikih voda rijeke Bosne na području općine Novi Grad Sarajevo, od profila P1 do P69, na osnovu člana 109. stav (1) tačka 8. i 14. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), **donosi**

RJEŠENJE **o prethodnoj vodnoj saglasnosti**

1. Podnosiocu zahtjeva, Službi za investicije i komunalne poslove Općine Novi Grad daje se prethodna vodna saglasnost za regulaciju korita rijeke i izgradnju objekata za zaštitu od poplava prouzrokovanih velikim vodama rijeke Bosne na području općine Novi Grad Sarajevo, od profila P1 do P69 u dužini cca 3410m, a u postupku pribavljanja urbanističke saglasnosti.
2. Prethodna vodna saglasnost se daje na osnovu pregleda projektne i druge dokumentacije dostavljene od strane podnosioca zahtjeva i pod slijedećim uslovima:
 - 2.1 Izraditi i revidovati investiciono-tehničku dokumentaciju na nivou glavnog projekta koja treba da je urađena od strane ovlaštenog pravnog lica i revidovana od strane drugog pravnog lica, oba sa „liste A“ Ministarstva za poljoprivredu, vodoprivredu i šumarstvo, u skladu sa odredbama Pravilnika o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12).
 - 2.2 Projektom dokumentacijom treba da se obuhvati tehničko rješenje uređenja korita sa objektima za zaštitu od štetnog djelovanja voda na navedenoj dionici, kao dio integralnog rješenja zaštite od velikih voda rijeke Bosne, a projekat između ostalog treba sadržavati:
 - Situativni prikaz, razmjere 1:1000 ili detaljnije, sa ucrtanom dionicom obuhvaćenom aktivnostima izgradnje zaštitnih objekata i uređenja korita rijeke Bosne na ažurnim geodetskim podlogama, uzdužni i poprečne profile riječnog korita urađene na bazi geodetskih snimanja koja će se provesti za potrebe izrade ove projektne dokumentacije. Snimanje izvesti preko operativnog poligonog vlaka uz povezivanje sa državnim nivelmanom sa osiguranjem krajnjih tačaka poprečnih profila na terenu trajnim biljegama (uz položajni opis i nacrt), preko kojih će se vršiti kontrola realizacije ovih radova.Projektom rješenjem predvidjeti uređenje korita i obala rijeke Bosne na navedenoj dionici, u cilju zaštite urbanog i poljoprivrednog područja Novog Grada od poplava pri pojavi velikih voda ranga 1/100, sa potrebnim nadvišenjem;
Trasu regulacije rijeke Bosne na dionici koja se uređuje treba uklopiti u gabarite korita uzvodno i nizvodno, odnosno cjelovito rješenje regulacije čiji je ova dionica samo jedan dio;
 - Tehnički opis rješenja, uz obrazloženje rješenja i pojašnjenje efekata izgradnje zaštitnih objekata, predmjer radova i odgovarajuće grafičke priloge uobičajene za nivo projekta za građenje;
 - Proračun vučnih napona u cilju određivanja načina zaštite (oblaganja) obale, krupnoće kamenog nabačaja koji će se koristiti i sl.;
 - Hidrauličke i hidrološke proračune na predmetnoj dionici rijeke Bosne za određivanje nivoa velikih voda u prirodnom i regulisanom stanju za različite rangove pojave uključujući i usvojeni nivo zaštite od velikih voda;
 - U projektnoj dokumentaciji dati rješenja uvođenja zaobalnih voda i potoka koji se pojavljuju na ovom području, te broj, raspored i izgled stabilizacionih pragova, rampi i stepenica za pristup koritu i sl.;
 - Prilikom definiranja normalnih profila uvažiti i uslove koji se odnose prije svega na izgrađenost obale, morfologiju terena, razvojno - plansku dokumentaciju, već izgrađene objekte zaštite od poplava, geološki sastav korita i sl.;

- Zahvati uređenja korita moraju uvažiti postojeće imovinsko - pravne odnose i radove svesti u pojas kojim će se najmanje narušiti privatni posjedi i parcele;
 - Predmjerom radova utvrditi količine materijala (pijesak, šljunak) koje će se izvaditi prilikom izvođenja radova, a koji se može iskoristiti za radove na uređenju korita i obala rijeke Bosne, te materijala koji treba ukloniti (smeće, mulj, kruti otpad, pijesak, šljunak, šibljice i dr.). Bilans masa uraditi na osnovu ažurnih geodetskih podloga;
 - Zahvati uređenja korita trebaju se uklopiti u postojeći ambijent sa minimalnim narušavanjem prirodnog stanja koristeći u rješenju prirodne materijale;
 - Trebaju se uvažiti zahtjevi predstavnika lokalne jedinice samouprave u dijelu koji se odnosi na uklopavanje u urbanističku i prostorno – plansku dokumentaciju;
 - Projektna dokumentacija treba da bude urađena na zakonski zahtijevanom nivou za ovu vrstu radova i sadrži sve opće i tehničke elemente propisane zakonodavstvom iz ove oblasti.
3. Po izradi dokumentacije iz tačke 2.1. dispozitiva ovog Rješenja, nosilac prava iz prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti. Zahtjev za izdavanje vodne saglasnosti dostavlja se u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20).
- Uz zahtjev se, između ostalog, prilaže:
- Investiciono - tehnička dokumentacija zahtijevana tačkom 2.1. ovog Rješenja,
 - Rješenje o urbanističkoj saglasnosti i okolinskoj dozvoli (ukoliko predmetna aktivnost podliježe obavezi pribavljanja iste) za predmetnu dionicu uređenja rijeke i dokaz o riješenim imovinsko – pravnim odnosima,
 - Saglasnost udruženja sportskih ribolovaca na termine provođenja radova na predmetnom uređenju korita rijeke Bosne, u cilju obezbjeđenja proticajnog profila.
4. Ukoliko nakon izdavanja prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, u roku utvrđenom u članu 111. stav 3. Zakona, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
5. Ovu prethodnu vodnu saglasnost će Investitor koristiti u postupku dobijanja urbanističke saglasnosti i okolinske dozvole (ukoliko predmetna aktivnost podliježe obavezi pribavljanja iste) i ona definiše sve uslove koje projektna dokumentacija koja se podnosi u postupku dobijanja vodne saglasnosti i građevinske dozvole treba ispuniti sa aspekta voda u skladu sa Zakonom o vodama.
6. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja.

Obrazloženje

Podnosioc zahtjeva, Općina Novi Grad - Služba za investicije i komunalne poslove, se dana 30.12.2021. godine aktom broj: 02/08-19-12973/21 NT od 16.12.2021. godine obratio ovoj Agenciji za izdavanje prethodne vodne saglasnosti za aktivnosti regulacije korita rijeke i izgradnje objekata za zaštitu od poplava prouzrokovanih velikim vodama rijeke Bosne na području općine Novi Grad Sarajevo, od profila P1 do P69 u dužini cca 3410m (ST 0+000,00km do ST 3+410,83km).

Uz zahtjev za izdavanje vodne saglasnosti dostavljena je slijedeća dokumentacija:

A. Opšta dokumentacija:

- Ovjerena kopija Ukaza o proglašenju zakona o obrazovanju opština Sarajevsko polje i Stari grad Sarajevo, koji je donijela Skupština SR BiH 16.12.1977. godine;
- Ovjerena kopija uvjerenja o poreznoj registraciji - Općina Novi Grad Sarajevo – Općinski načelnik; izdata od Poreske uprave FBiH - Kantonalni ured Sarajevo, od 07.01.2014. godine;
- Kopija urbanističke saglasnosti broj: 02/04-19-1778/21 A.D. od 26.03.2021. godine izdata od Službe za urbanizam, stambene, imovinsko – pravne, gredoetske poslove i katastar nekretnina, Općine Novi Grad Sarajevo (za dio regulacije od P62-P69);

- Lokacija objekta broj: 02/04-19-1778/21 A.D. od 25.03.2021. godine izdata od Službe za urbanizam, stambene, imovinsko – pravne, geodetske poslove i katastar nekretnina, Općine Novi Grad Sarajevo;
 - Situacija trase regulacije na katastru podzemnih instalacija (P62-P69);
 - Izvod iz „Korekcija novelacije glavnog projekta uređenja korita rijeke Bosne u sarajevskom polju na području općine Novi Grad Sarajevo“, Higracn d.o.o. Sarajevo, novembar 2020. godine;
 - Dokaz o uplaćenju administrativnoj taksi i uplati posebnih troškova ;
- B. Tehnička dokumentacija (dostavljena na uvid od strane "Sektora za realizaciju investicionih projekata" Agencije i vraćena istom):
- Novelacija glavnog projekta, Uređenje korita rijeke Bosne u Sarajevskom polju na području općine Novi Grad Sarajevo", Higracn d.o.o. Sarajevo, decembar 2019. godine, KNJIGA 1, 2, 3 i 4;
 - „Korekcija novelacije glavnog projekta, Uređenje korita rijeke Bosne u Sarajevskom polju na području općine Novi Grad Sarajevo“, Higracn d.o.o. Sarajevo, novembar 2020. godine.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 14.01.2022. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i u dnevnom glasilu „OSLOBOĐENJE“. U datom roku nije bilo pisanih izjašnjenja o predloženim aktivnostima iz zahtjeva.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska dopisom broj: UP-1/21-1-40-621-6/21 od 31.01.2022. godine u kojem je zatraženo od podnosioca zahtjeva da isti upotpuni u ostavljenom roku od 10 dana od dana urednog prijema dostavljene obavijesti.

Obzirom da podnosilac nije dostavio dopunu podneska u propisanim rokovima, telefonskim putem je zamolio za produženje roka, te je dana 16.03.2022. i 22.03.2022. godine dostavio traženu dokumentaciju.

Dana 16.03.2022. dostavljen je dio tražene dokumentacije po zahtjevu za dopunu podneska broj: UP-1/21-1-40-621-6/21 od 31.01.2022. godine i to:

- Ovjerena kopija uvjerenja o dodijeljenom identifikacijskom broju od 07.01.2014. godine;
- Dokaz o uplati takse za izdavanje prethodne vodne saglasnosti u iznosu od 80 KM.

Dana 22.03.2022. dostavljen je preostali dio tražene dokumentacije i to:

- Ovjerena kopija rješenja Općine Novi Grad Sarajevo o upisu u sudski registar (Ukaza o proglašenju zakona);
- Dokaz o uplati posebnih troškova oglašavanja po zaključku broj: UP-1/21-1-40-621-5/21 od 31.01.2022. godine, nastalih u postupku donošenja rješenja.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na režim voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 2. dispozitiva rješenja, shodno odredbama Zakona o vodama i odredbama Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je dužan ispuniti prilikom izrade projektne dokumentacije koja će Investitoru biti potrebna u postupku pribavljanja vodne saglasnosti i odobrenja za građenje.

Uvidom u dostavljenu dopunjenu dokumentaciju utvrđeno je slijedeće:

- Aktivnost za koju je podnesen zahtjev za izdavanje prethodne vodne saglasnosti je izgradnja objekata za zaštitu od poplava prouzrokovanih vodama rijeke Bosne na dionici uzvodno od mosta na magistralnoj cesti M-17 u Reljevu;
- Izgradnjom regulacije rijeke Bosne postiže se zaštita od velikih voda, obezbjeđuje proticajni profil i sprječava neželjeno meandriranje vodotoka;
- Ukupna dužina planirane regulacije korita iznosi cca 3410 m;
- Planirani radovi i aktivnosti predstavljaju nastavak realizacije integralnog rješenja zaštite od štetnog djelovanja voda (poplava) i izgradnje objekata regulacije na ovom području.

Na osnovu priložene tehničke dokumentacije utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava u predmetnom području općine Novi Grad, na osnovu člana 109. stav (1) tačka 8. i 14., a u vezi sa članom 114. Zakona o vodama i članom 17., stav (1), tačka 13. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15), valjalo rješiti kao u dispozitivu ovog rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Voditelj postupka:

Nihad Pezo, dipl.inž.građ.

**Po ovlaštenju
Rukovodilac sektora za izdavanje
vodnih akata**



Haris Ališehović, dipl.inž.građ.

Dostaviti:

- Općina Novi Grad, Služba za investicije i komunalne poslove,
ul. Bulevar Meše Selimovića br. 97, 71000 Sarajevo
- Sektor 30 (Prilog: tehnička dokumentacija navedena pod tačkom B. obrazloženja)
- ⊖ AVP Sava, ISV – Vodna knjiga
- Sektor 40, arhiva
- oglasna ploča AVP - Sava